



00057

吳仲退氏著

樂

庵遺

稿



清風堂藏板

樂庵遺稿叙

先生宋室之遺民也方弱冠鄉先達率折
行輩內交固皆愛其才期先生以大有爲
也迨北師至先生則獨以一身周旋祖母
遠避山谷他若無所爲者此其心何心也
時有勸之仕者則以太夫人年老辭厥後

吳序一

延祐設科始爲郡邑有司強起乃俛首應
試問其年則五十有九矣尋以恩授本路
學正非先生本志也任不及代惟晨夕嘯
咏月灣溪上託號月灣漁者以自况居溪
十年調寧國路儒學教授亦赴寧國亦只
有敬亭山相對賦詩懷謝見意耳卒拂衣



歸歸後七年應江西行省鄉試聘時先生
春秋彌高矣宜憲老乞言矣乃猶入闈取
士也則又有長嘯吳山頂天濶雁行疎之
句壯哉先生嘗言吾不必仕但願爲世培
植人才故志載先生恬于仕進蓋有繇也
予誦先生詩尤知先生之善于立言也蓋

吳序二

其時政繁賦重先生處之若不見有變幻
百出之事咸于其心凡發爲咏歌率皆冲
和深厚尊揚太平之盛未嘗以詬讟憤排
婉變犖幽之意幾微見于篇什間有所發
亦惟隱躍其旨義而已至讀秋社一作則
極慷慨歛歛若不忍忘其先世之功德與

其前人之休養生息于易代之後一篇之中三致意焉是先生之心果何心也孟子曰頌其詩論其世尚友其人吾謂先生爲宋之遺民也其庶幾推見至隱者乎戊申秋七月旣望同邑後學史簡書于止躬軒

吳月灣先生傳

先生生于宋寶祐五年丁巳二月諱存仲退其字也少力學絕去憑憑以童子談有司英聲四馳鄉先生吳公中行李公謹思黎公廷瑞皆折節下交待以國士元初部使者姚公燉盧公摯奧屯公希魯行郡至鄱陽皆勸以仕不荅延祐元年乙卯設科取士邑大夫三造請試固辭已而縣牒上府無先生名太守史公烜怪之曰無吳先生名何耶使月灣先生傳

一

知事劉衍往見諭意強起得以尚書中選試禮部弗遇諸公貴人交章薦之先生以卽日去國乃遇恩授饒州路學正任不及代歸更號月灣漁者思嘯歌溪上將老焉乙丑調寧國路儒學教授先生以老不欲往請者狎至乃往憲使李公元成公珪一見喜得師尊禮極至未久引年去任去之明年授將仕佐郎饒州路鄱陽縣主簿致仕又七年江西行省鄉試聘爲主文至元五年己卯九月終于

家年八十有三先生蚤孤三第四妹俱上鞠于祖
母世更力役繁重下吏培克家亦毀先生委曲經
營授徒自給畢弟妹昏嫁不使一毫憂念及其祖
母祖母戒勿飲酒遂終身不返杯勺蓋先生之學
得之齊夢龍氏齊氏學于沈貴寶氏沈氏學于董
銖氏董氏寔師朱文公嘗語門人劉耳曰誠而樂
始足爲學學非樂不足以爲學樂在心心誠則樂
妄則不樂一言一動不可不誠不誠不樂也所著

月灣先生傳

二

有程朱易傳本義折衷番易續志新志月灣詩藁
巴歌禱詠孫用臧用晦並有文名

樂庵遺藁目錄

卷之一

七言絕句

山茶四首

過大野

淮陰漂母墓

稻花圖

雙雀圖

停針圖

聽雨看雲二樓

橫塘秋晚圖

范寬小景

荷蓑白鷺

樂菴集目次

一

貴溪道中欲經湯原不果

客館思歸

絕句

東湖十咏

兩堤柳色

雙塔鈴音

孔廟松風

顏亭荷雨

湖中孤寺

洲上百花

薦福茶煙

新橋酒旆

江城暮角

芝嶠晴雲

五言近體

遣興

與徐山玉

秋日有感

壯懷

風雨

宿慈雲菴懷梅山

贈鄭尉畊巖

悼所乘紫騮

操氏晚隱

挽黃易安

冬日郊行

宿王存善江樓

七言近體

樂菴集目次

徐松巢挽詞

清明遊徐公墓下

雜興四首寄芳洲

胡仁傑索舊作次韻

凝夜行大野湖中

自燕南還金陵采石丁

家洲次韻 三首

過廬山下

挽黎芳洲

程昭伯示宗人宗野甲

寅送別詩次韻

長江萬里圖

丙辰中秋晴景憶舊遊

過梅山周公墓下

彭氏母百歲二子八袞

送徐莊叔入爲儀曹掾并柬張夢臣國博馬
伯庸御史
次韻方山馮公見寄

新堂甫完季弟仲文自別墅回喜賦

登望湖山分韻香字

伯溫如杭寄仇山村

寄楊師文教授
九日赴徐蘭玉郭峯別

聖之集追懷庚寅舊遊

和徐君玉韻
上巳日徐蘭玉訪予廨

樂菴集目次

三

上賦贈

吳秋湖徐天麟

郭錄判來板橋訪余不值及余至則已行矣

乃賦詩追送
登悠然閣懷南翁上官

伯圭見和再次韻

次楊妃菊韻
次韻周鼎仲拙齋

朱氏春暉堂
彭忠烈錦袍缺扇落他

姓孫公尹購得有詩次韻
原二首今錄其一

題曹公元母苦節志

次苑知事秋日懷故園韻

一首

次楊仲弘東湖四景韻

彭濟川挾醫游昇

卷之二

五言古風

佩古 二首

二月望日

次韻寄月圃

晦日風雨

蹇驢

蕪菁花

樂菴集目次

四

荅婦

余穆知子自疆來訪

題老圃生意卷

霜鐘琴

許叔侶池上觀萍寄徐山玉

與許季蕃過梅花崑用松巢韻呈登庸

周別駕載酒共賞張園芍藥五言紀事

次徐可玉天池韻 敬亭山懷謝

贈寫真朱梅癯 陳氏雨窓

淵明歸去來圖 題松溪卷

許氏竹外

葉氏攀桂樓

七言古風

秋社

新安王仲儀訪余不值

又來浮梁得會縱游數日而別

次高彥文韻送王仲儀

百馬圖

周別駕清明出遊阻雨

分韻牧字

贈畫士

毛鼎仲九日登榴峯望祀儀祖舉先典也次

樂菴集目次

五

韻

明皇倚楊妃菊為嚴賦氏

陪芳洲遊百花洲 朱氏四虎圖

詩餘

江潮貢院 水調歌頭 謝番丞薦舉 蒲江紅

非上道別周明翁遇雪 水調歌頭

蛾眉亭次韻 霜天曉角 高郵舟中 江城子

儀真次韻 蒲江紅 揚州 摸魚兒

舟中九日次韻 沁園春興 木蘭花慢

春夢 點絳脣

春歸 朝中措

春閨送別 浣溪紗

清明夜與芳洲話舊 水

蘭花

袂日禁酷 八聲甘州

秋水泛舟 水龍吟

督軍湖觀競渡 水龍吟

春雨連日 踏莎行

九日會周南翁于溪上

摸魚兒

閩周南翁所藏畫畫惜

其迂懷雅好因泣下不自禁漫賦 蝶戀花

落梅 水龍吟

賦潮 摸魚兒

樂春集目次

六

雪次韵 水龍吟

壽族父瑞堂 水龍吟

壽松巢次韵 最高樓

迎周明翁治中 錦堂春

送周君崇錄判 摸魚兒

送餘干教谕覺非歸吳

水龍吟

餞張巡檢 百字令

代贈醫者葛道夫 水調歌頭

代送路同知罷歸 水調歌頭

祭文

祭徐松巢

終

樂庵詩集

邑後學史 簡文令父集選

卷之一

七言絕句

山茶四首

吾家屋後山茶樹樹始栽時我髫髻
正十四年今過屋春風兩鬢不教華

此樹先人手自栽當時數日待花開
樹今如此人樂菴詩集

何處慙愧春風歲歲來

當年此種外家分歸載琅玕笑市人
外氏凋零吾漸老寒泉千載哭青春

兵後荒殘賦役頻故家斤斧到荆榛
年來桃李春風開誰識承平雨露身

過大野

梁山泊裏雨濛濛借得鷗沙過短篷
三百里天香世界平生無此芰荷風

淮陰漂母墓

漂飯千金報尚輕
更緣推食許平生
區區報施何時了
一飽男兒好自營

稻花圖

玉碎珠明麗野田
不將頰紫競春妍
一莖露綴秋風裏
中有蒼姬八百年

雙雀圖

野田秋粟啄堪肥
挾彈張羅總禍機
叢竹蕭蕭風

樂菴詩集

二

獵獵莫辭枝上凍
相依

停針圖

停針元不爲傷春
巧奪天機亦損神
長日交頤無一語
應思身衣弋綈人

聽雨看雲二樓

淒涼東府對床吟
蕭瑟巴山語夜深
人聽自悲君自樂
古今同耳不同心

靜閱天機此倚闌
崔嵬未了忽波瀾
萬般起滅都

看盡一碧澄然更好看

橫塘秋晚圖

折葦枯荷綠一窪游魚戲蟹小生涯水荳花外秋
偏富付與鴛鴦占晚沙

范寬小景

蹇驢馱醉暮歸遲一犬迎門吠短籬此是詩人堪
畫處画來又費幾人詩

荷蓑白鷺

樂菴詩集

三

浦葦汀荷戰晚風三三五五雪衣公故應如此丰
標好合著寬閒寂寞中

貴溪道中欲經湯原不果

三丫路口逢朝雨百丈山頭見午晴借問湯原三
十里僕夫搖首欲歸畊

客館思歸

陰陰野樹鳴啼鳩漠漠餘寒落揀花十載送春渾
是客五更聽雨忽思家

絕句

蹇驢昨日雪濛濛
破帽呼舟古渡風
吟得詩成還
不吐
要留此景著胸中

東湖十詠

兩堤柳色

南斗長堤彩蜺連
垂楊夾道綠如煙
春風賸長絲
千尺
辦與遊人繫畫舡

雙塔鈴音

樂菴詩集

四

文筆雙峯銳刺天
風簷萬鐸語蒼烟
沙門聽徹渠
應解說到番君教戰年

孔廟松風

范公震澤跨龍來
鎖向湖濱不放回
翠鬣蒼髯時
一奮
孔堂白晝起雲雷

顏亭荷雨

萬斛明珠洗綠盤
魯公亭上倚闌干
誰知倒挽銀
河下天爲忠臣洗肺肝

湖中孤寺

佛屋巋然水四圍晴光波影漾禪扉老僧隱几青
楓表笑看滄洲白鳥飛

洲上百花

湖光三面浸樓臺東面天橫錦繡堆辦取四時洲
上醉不妨三日一花開

薦福茶煙

晴霏冉冉上松枝莫莫堂中茗事遲欲訪趙州消
樂菴詩集

五

午困趣渠蟹眼未生時

新橋酒旆

橋邊窓戶小家樓新釣魚肥酒旋筩可是東風能
喚客青帘舞過柳梢頭

江城暮角

城頭三弄夕煙橫城上戎衣寢不驚四十年來無
戰鬪梅花吹入太平聲

芝嶠晴雲

千仞屏愚杳靄中晴霏朝暮乍青紅遙知郁郁紛
紛處下有先秦白髮翁

五言近體

遣興

已拙治生理兼無用世才年年中酒過日呵典衣
回寒食梨花落江南燕子來山深舊知少懷抱向
誰開

與徐山玉

樂菴詩集

六

愛子眉垂白於余眼倍青眠雲豫章榻呼月鵲湖
亭世慮吾忘我天機影荅形水蘭枝上露香入太
玄經

秋日有感

半生真逆旅萬事等虛舟未老先成懶雖貧不解
愁西風三日雨南楚十分秋閨婦爲寒計篝燈草
檠裘

壯懷

登覽心猶壯，栖遲鬢易凋。江山如有待，歲月不相饒。匹馬觀嵩嶽，扁舟聽海潮。茲遊終有遂，辦取一裘貂。

風雨

風雨春強半，鶯花日許長。詩添子美瘦，酒減次公狂。客欲巾車去，余方蠟屐忙。相看一笑別，江上又斜陽。

宿慈雲庵懷梅山

樂菴詩集

七

慈雲樽酒地，回首輟鄰春。水壞車行路，雲迷手植松。百年嗟我後，四海念誰從。風雨春_三夜，還聞景德鐘。

贈鄭尉畔巖

巖栖今鄭老，市隱舊梅仙。世隔青衫夢，詩凋白髮年。故山三逕草，樂土一簑煙。應笑清灣叟，當時問_北臯。

悼所乘紫駟

共詫追風健何虞歷塊傷世非無駿逸我獨念馴
良短策城邊月枯箕坐極霜舊遊堪一慨心媿做
帷藏

操氏晚隱

能隱寧論晚誰知晚更宜漁竿諳渭石象奕老商
芝骨健風霜耐心閒日月遲但煩多釀秫醉傲太
平時

挽黃易安

樂菴詩集

八

芝麓開仙跡丹霞傍洞天竟隨雙劍化尚想一壺
懸月浸鳴弦室雲生種秫田泠泠華表語更俟後
千年

冬日郊行

萬竅聲騰鏞雲連色死灰羣鴉刺天去孤隼遇風
回木葉無可落梅花不肯開歸來聊抱膝吾芋固
堪煨

宿王存善江樓

挽出番君國夕眠王粲樓疎砧深巷雨殘角古城
秋邂逅成幽趣登臨憶舊遊好將塵世眼長此對
螺舟

七言近體

徐松巢挽詞

昌水番江虎座尊歸來丹鼎煑雲根莫嗟風落松
無子自喜朝陽桐有孫易傳一編了今古詩名千
載重乾坤好將庭下黃花露招取南州高士魂

樂菴詩集

九

清明遊徐公墓下

格磔山禽破曉雲青鞋裹濕上嶙峋清明寒食疎
疎雨柳絮梨花淡淡春龐老山中逢上塚周家栢
下見遊人三生曾掛延陵劍回首人間隔幾塵

雜興四首寄芳洲

置酒荒臺日未晡酒酣擊缶自歌呼春從杜宇聲
中去寒到桐花開後無萬里江山增感慨一年風
雨減歡娛歸來掩却柴門卧一逕殘紅護翠蕪

世故年來閱已深，萬方覆却不驚心。莫嫌叔負木
忘煖，自是淵明偶有琴。衣食未妨依馬磨，文章何
必銜雞林。人生留得青青鬢，莫遣吳霜取次侵。
倦坐聊分鄭老瓊，忘言自守子雲玄。繞枝三匝違
初志，上樹千回憶少年。早不自知窮有鬼，吾今直
以飲爲仙。故人識我機心淡，遠寄黃庭內景篇。
塵網栖栖三十秋，青春背我已堪羞。書留後世楊
雄賞，詩帶前生杜甫愁。隱去只須名謾記，癩來方

樂菴詩集

十

始悟浮休明年定，買舟如葉小住東風杜若洲。

胡仁傑索舊作次韻

一囊自記平生夢，反復看來笑復頤。老矣蘼顏空
善飯，少之燭武不如人。筆枯風雨千言疾，眼眩煙
雲萬態新。我謾已深君勿誤，古來投富得家貧。

凝夜行大野湖中

湖海三生一念差，扁舟夜夜蟻蘆花。身經雁帛飛
來地，夢繞龍梭化處家。溪語舡頭風力順，露明篷

隙月痕斜若無織女支機石誰信河源八月槎
自燕南還金陵采石丁家洲次韻

六朝夢事閱千基底用吳賜作楚悲天地自應存
予奪江山元不預興衰曲憐商女新聲唱文愧山
靈舊山移第一層樓猶有酒不妨重和謫仙詩
布帆又過望夫峯今度南歸喜得風犀炬已消餘
夕燐錦袍不朽照晴虹物繁稍見豐年象戍盡方
知治世功五十年前翁記否只應江浪至今同

樂菴詩集

十一

甌鑿當年費五丁洲名猶足記江程夢松覺後海
潮落化鶴歸來沙月明萬古文章無泯滅百年陵
谷有遷更誰知鷗沒鷗浮處聽得朝陽老鳳鳴

過廬山下

白鳥雙飛入鏡奩千帆徑度午風恬大姑波濯生
塵襪五老雲開捲雨簾梵唄仙音專地勝林霏野
色挾秋嚴八年不見宮亭水小注清泠入硯蟾

挽黎芳洲

當年赤手奪青衫風引蓬萊碧海帆師道晚行文
學事澤民空署法曹銜苔迷車馬平生跡塵鎖詩
筒舊口函莫恨芳洲秋色晚龍愁玉樹總非凡

程昭伯示宗人宗野甲寅送別詩次韵

北去南來日月茫髮毛雪白視荒荒不辭萬里歸
舟晚坐愧諸公贈墨香老我無書上光範何人有
酒博西涼無端昨夜松間夢猶逐飛雲到帝鄉

長江萬里圖

樂菴詩集

十三

管城縮地亦仙才萬里江天咫尺闊遠樹平蕪連
莽蕩斷橋危室枕崔嵬濤翻太古西山雪石蓄晴
天灑瀕雷忽見扁舟鷗鳥外年時征夢上心來

丙辰中秋晴景憶舊遊

憶從秋雁出天都颯颯西風兩岸蘆堂邑片帆潮
外落博平斗酒水中沽當時萬里勞歸夢此夕空
山笑故吾莫惜高歌酌節序桂香月色去年無

過梅山周公墓下

不到鵝塘又五年蒼然宰相闕荒煙重哦天上招
魂些三呼雲間駝骨仙步繞空山尋落葉恨無秋
菊薦寒泉茫茫四海豪華盡回首平生一慨然

彭氏母百歲三子八奏

彭鏗之後仍多壽華萼相輝兩弟昆白髮百齡堂
上母綵衣五世眼中孫熙朝優老曾分帛憲使觀
風合表門惆悵平生懷菊意春暉無地報深恩

送齊莊叔入爲儀曹掾并柬張夢臣國博馬

樂菴詩集

十三

伯庸御史

儒衣持橐佐春官萬里雲霄入羽翰似子青衫鞭
好著看予白首缺猶彈臯比日照先生座象角風
生御史冠欲折梅花憑寄遠江南雪後北枝寒

次韻方山馮公見寄

方山年七十九
矣居百丈山

晚學無成媿寡聞著書千載羨公勤天高誰識潛

心苦地遠何由會面煩雨入東湖青迤邐雲開百

丈碧嶙峋夜涼露坐哦佳句南極時時見老人

新堂甫完季弟仲文自別墅回喜賦

兄弟離居十二霜
天教歲晚得同堂
荆花再茂春逾好
棣萼相輝日正長
七世衣冠廳事在一門
弓冶墨池香句吳
友讓傳家久共戒
兒孫慎勿忘

登望湖山分韻香字

雨滯芳遊病更妨
登危筋力喜猶強
山光遠映鬚眉潤
春氣濃熏杖屨香
占廟靈衣新黼黻
長松天籟舊宮商
重樓盡鎖黃冠出
却笑閒人有底忙

樂菴詩集

十四

伯溫如杭寄仇山村

周郎明日杭州去
問訊山村安穩無
我恨不乘溪上舸
君當一訪市邊壺
夢殘東匯漁樵社
思入西山烟雨圖
老去釣竿無著處
他年還欲拂珊瑚

寄楊師文教授

想見東湖秋水碧
蘋花兩岸白
漚風舟橫島寺煙
霏外人在宮墻樹影中
忽憶連床前日樂
相携載酒幾回同
祇今百里無消息
湖海他年况轉蓬

九日赴徐蘭玉郭峯別墅之集追懷庚寅舊

遊蘭玉號雲壑
松巢從弟也

烏龍潭上一壺天回首前遊五九年雲壑新來成
小隱松巢久已化飛仙屋頭泉入燒茶鼎谷口雲
生種孺田借得客床圓舊夢夜闌虎嘯不成眠

和徐君玉韻

高士鋤雲卜洛丘重陽宴集意綢繆鑿開郭璞山
前路占斷番君國裏秋携客登高兄弟倡題崑紀
樂菴詩集

又十四

勝姓名留退翁一笑煙霞表不負平生是此遊
上巳日徐蘭玉訪予溪上賦贈

近來久已却肥甘蔬筍蕭然對客談風雨空過一
百六鶯花又負幾重三麥黃滿地家家飯桑綠如
雲處處蚤何幸時平田里樂與君畊鑿老江南上

三首原集未載今得之鵲湖徐氏譜中特附入按
月灣與松巢前後唱酬極多如和梅十絕又見之
松巢漫稿內其他遺漏可知也至題魏石山有句
云山作怒猊常吐霧石如渴驥欲吞江予猶見鄉
先達陳春臺先生修邑志載入以爲
真得其狀今皆畧而不傳殊可惜也

哭秋湖徐天麟

不見海棠巢上仙
風蟬蛻骨已三年
當時好客頗投轄
此日懷人欲絕絃
春燕自歸王謝宅
夜虹誰覓米家船
重來詩景元無恙
島雨潮煙共慨然

郭錄判來板橋訪余
不值及余至則已行矣
乃賦詩追送

我來君去如相避
但惟落花流水香
白日正堪文字飲
青山似笑簡書牋
鳴騶道路春光晚
啼鵲圍

樂菴詩集

十五

林山意裏自是神
交影迹外剡溪不見又何妨
登悠然閣懷南翁上官伯圭見和再次韻

悠然老子瀛洲客
騎鶴一去三千秋
斯人可與酌
酌醉當時惜不逍
遙覓霓裳一曲
廣寒夢弱水萬
里蓬萊舟
公來何莫吾已老
西風落日登茲樓

次楊妃菊韻

委地花鈿散不收
開元帝業渭東流
三生雲霧深
宮曉一譙風
霜老圃秋淡似倦
粧濃似醉向凝凝

笑背疑羞人間富貴空餘臭籬落吹香正未休

次韵周鼎仲拙齋

茫茫宇宙一蘆螭人事無涯生有涯冷看世情窮
百巧孰知天意故多乖騎牛春谷雲生袂抱甕晨
睡月滿懷屋角鳴鳩宮徵足素琴何用八音諧

朱氏春暉堂

阿母童顏雪滿簪綵衣拜舞北堂深並期千歲嘯
桃實長抱三春寸草心山暖蟬鳴烟淡淡日長禽

樂菴詩集

十六

語樹陰陰好將東野詩中意寫入花前綠綺琴

彭忠烈錦袍鏡扇落他姓孫公尹購得有詩

次韻 原二首今錄其一

東歸幾日竟南遷苔沒淪城萬仞鐫社稷已墟遺
古廟英雄不死作飛仙空聞扇鐵遮西日忍見袍
花麗晚天猶有故家喬木在年年春綠照番川

題曹公元母苦節志

大家班妹賢無敵尚想初歸世叔時風雨兩髦泉

下土乾坤一髮禡中兒九熊日俟門闈大懷橘天
留歲月遲近代巴清猶立傳可無人采栢舟詩

次苑知事秋日懷故園韻

紅葉侵堦草映扉先生危坐了朝暉官清頗訝休
文瘦義勝方知子夏肥且可一樽持郭索何須萬
里嘆伊威芝山爽氣年年好未覺徽之在笏非
館閣英才一網收泛紅何事此來遊卧聽疎雨鳴

蟬晚愁對空江落木秋一片孤忠心卦拱五更歸
樂菴詩集

七

夢水東流頰君小作三年任莫遣吾邦顏范羞
次楊仲弘東湖四景韻

灑灑湖光照市闈太平延祐十分春秋千影漾紅
粧靚鑿落芳傳綠酒新夢到看花曲江上人疑脩
袂洛川濱祇今能話歌遊樂猶有姜堤白髮民
城中地隘暑偏多蕙泛陽沙百頃波蕭寺晚涼風
憂竹顏亭晝靜雨鳴荷參差楚產供槃飢幼妙異
音雜棹歌掾取千金湖上醉人間富貴易消磨

又無人洗錦袍舟誰共湖天一片秋潮落石橫迷
占埭霜飛木落露浮洲雁聲叫月來無盡菰米沉
雲不取漁唱一聲何處起有人懷古涕先流

訪梅欲覓老逋家小國清寒力漸加雪意動時雲
草樹日痕薄處凍生花沙邊鶻落飛戍騎箔下魚
跳聲集釣槎聊補番君風土記未須持向非人誇
彭濟川挾醫游昇

白袍烏帽小綸巾君是彭鏗第幾身肘後有方能
樂菴詩集

六

却老眼前無藥可醫貧好將玉札丹砂手去看長
于白下春若見故人詢退叟爲言心鐵鬚如銀
卷之二

五言古風

擬古

青青園中葵托根信云美風承春風恩華葉光嶷
嶷願得羞王公顏色照筐篚道阻且長終然不
我以悠悠歲年晚零落自此始獨有太陽心不爲

霜雪死

楚國有佳人，雙蛾秀娟娟。自倚容色好，不復施朱鉛。舉世非所偶，窈窕誰爲妍。獨抱松栢心，坐閱桃李年。盈盈東家妹，綺羅照珠鈿。賦命固有定，脉脉良自憐。

二月望日

忽忽春已半，我酒不得持。今晨始無事，出門草離離。喧禽樂新霽，羣動各以時。居人亦有營，驅牛向

樂菴詩集

十九

東菑我學嘆遲暮，今茲復來茲。同舍笑謂我用此，鉛槧爲當年不見察。萬世以俟，誰明朝是社。日且
睨山中醜

次韻寄月礪

平湖湛初晴，碧色照蓮宇。湖中舡子僧，湖上蔬簾女。遙知一堤柳，風絮正飛舞。安得携同袍，清齋倚晴樹。關關幽鳥啼，渺渺芳草暮。唯應溪上人，垂釣有深趣。



